



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-831-8/21
Srebrenica, 30.07.2021. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj 39/14), člana 16. Pravilnika o javnim nabavkama, broj: 02-368/15 od 18.06.2015. godine i preporuke Komisije za nabavke konstatovane u Zapisniku o pregledu i ocjeni ponuda u otvorenom postupku, broj: 05-16-3-831-7/21 od 28.07.2021. godine, direktor Službe Memorijalnog centra, donosi

O D L U K U
o izboru najpovoljnijeg ponuđača u konkurentskom postupku

Član 1.

Ugovor za nabavku radova: „**Izrada i postavljanje objekta za posebne namjene**“ u **vrijednosti od 12.870,00 KM** (slovima: dvanaest hiljada osam stotina sedamdeset i 00/100 KM) sa uračunatim PDV-om dodjeljuje se ponuđaču **COSPEX d.o.o. Zenica**, Dobrovoljnih davalaca krvi br.4, 72 000 Zenica, koji je dostavio tehnički zadovoljavajuću ponudu sa najnižom cijenom.

Član 2.

U skladu sa članom 71. stav (6) Zakona o javnim nabavkama, Memorijalni centar Srebrenica-Potočari Spomen obilježje i mezarje za žrtve genocida iz 1995. godine će ovu Odluku objaviti na svojoj internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 05-16-3-831-7/21 od 28.07.2021. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 18. i 87. Zakona o javnim nabavkama, pokrenuo konkurentski postupak, broj: 05-16-3-831-2/21 od 07.07.2021. godine, za nabavku radova – Izrada i postavljanje objekta za posebne namjene. Procijenjena vrijednost javne nabavke bez PDV-a iznosi 11.000,00 KM. Obavještenje o nabavci broj: 1348-7-3-29-3-25/21 objavljeno je dana 07.07.2021. godine na Portalu javnih nabavki i na internet stranici Memorijalnog centra www.srebrenicamemorial.org.

Zahtjevi za dostavljanje ponuda dostavljeni su istog dana sljedećim potencijalnim ponuđačima:

- 1) ALUMINA d.o.o. ŽIVINICE, Živinice Armije BiH 47
- 2) Metaloprerađivačka industrija ALFE-MI d.o.o -, ul. Maline br.16, 75270 Živinice
- 3) SOLINA METALI, Veljka Lukića-Kurjaka do br. 2, 75 000 Tuzla

Komisija za javne nabavke imenovana je Rješenjem, broj: 01-16-3-1120-2/20 od 30.12.2020. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-7-3-29/21 od 28.07.2021. godine, utvrđeno je da je tendersku dokumentaciju preuzelo 4 ponuđača, a nakon dopune TD sa tlocrtom objekta, ukupno 8 ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 21.07.2021. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponudu blagovremeno dostavila tri ponuđača:

1. COSPEX d.o.o. Zenica ; sa ponuđenom cijenom u iznosu od 11.000.00 KM bez PDV-a
2. POLET d.o.o. Srebrenica ; sa ponuđenom cijenom u iznosu od 11.000.00 KM bez PDV-a
3. ALUMINA d.o.o. Živinice; sa ponuđenom cijenom u iznosu od 11.000.00 KM bez PDV-a

Dana 28.07.2021. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. i 46. Zakona i da li su ponuđači dostavili tehnički zadovoljavajuću ponudu u skladu sa zahtjevima iz tenderske dokumentacije, te da li ponuđeni radovi odgovaraju predmetu nabavke i tehničkim specifikacijama.

1. Uvidom u ponudu ponuđača COSPEX d.o.o. Zenica, Komisija je konstatovala da je ponuđač dostavio tehnički zadovoljavajuću ponudu, te da su ispunjeni svi uslovi propisani članom 45. i 46. Zakona, kao i minimalni tehnički uslovi za kvalifikaciju propisani tenderskom dokumentacijom.
2. Uvidom u ponudu Ponuda ponuđača Polet d.o.o. Srebrenica, Sovrle 61, 71 380 Ilijaš, Komisija je konstatovala da ista nije prihvatljiva iz razloga što Nacrt Ugovora iz Priloga 8. tenderske dokumentacije nije ispunjen u cijelosti kako je zahtijevano u tenderskoj dokumentaciji prema tački 28. TD. koja glasi:
„Nacrt ugovora je dat u Prilogu 8 ove TD. Ponuđač treba da popuni nacrt ugovora sa svojim podacima i detaljima koji su sadržani u ponudi (tj. cijena i drugi podaci) i čini sastavni dio ponude, u protivnom ponuda će biti odbijena.“
(Stav Ureda za razmatranje žalbi BiH je da je „upravo i suština dostavljanja predmetnog nacrta ugovora da se u isti unesu elementi ponude“, Rješenje broj: JN2-01-07-1-1799-6/19 OD 30.09.2019. godine, str. 9)
3. Ponuda ponuđača Alumina d.o.o. Živinice također je ocjenjena neprihvatljivom iz razloga što nisu ispunjeni svi formalni uslovi propisani tenderskom dokumentacijom. Ponuđač nije dostavio Prilog 1 (Obrazac sadržaja ponude) što je bio u obavezi prema tački 16. tenderske

dokumentacije gdje je taksativno navedeno šta sve ponuda obavezno mora sadržavati, a pod stavom 2. kao obavezan Prilog 1. navodi se: *Sadržaj ponude, sa popisom dokumentacije koja je priložena uz ponudu, a u skladu sa formom koja je data u Prilogu 1 ove TD;*

Komisija je nakon izvršene ocjene ponude, predložila Ugovornom organu da se ugovor za nabavku radova – Izrada i postavljanje objekta za posebne namjene u vrijednosti od 12.870,00 KM (slovima: dvanaest hiljada osam stotina sedamdeset i 00/100 KM) sa uračunatim PDV-om dodijeli ponuđaču COSPEX d.o.o. Zenica, Dobrovoljnih davalaca krvi br.4 , 72 000 Zenica, koji je dostavio tehnički zadovoljavajuću ponudu sa najnižom cijenom.

Komisija je sačinila Zapisnik o pregledu i ocjeni ponuda, broj: 05-16-3-831-7/21 od 28.07.2021. godine, koji je sastavni dio ove Odluke i kao takav se dostavlja svim učesnicima u postupku javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na Protokol Ugovornog organa ili preporučenom poštom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 500,00 KM. Uplata naknade za pokretanje žalbenog postupka vrši se u skladu sa Instrukcijom o načinu uplate, kontrole, povrata i naknada propisanih članom 108. Zakona o javnim nabavkama („Sl. glasnik BiH“ broj 86/14).

DIREKTOR
Službe Memorijalnog centra



dr. Emir Suljagic



Dostaviti:

1. COSPEX d.o.o. Zenica;
2. POLET d.o.o. Srebrenica;
3. ALUMINA d.o.o. Živinice;
4. U predmet;
5. Arhivi.

Prilog:

- Zapisnik o pregledu i ocjeni ponuda, broj: 05-16-3-831-7/21 od 28.07.2021. godine.